

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)

i

„MIBO KOMUNIKACIJE" d.o.o Sarajevo, Tvornička 3, ID: 4200470540005, koga zastupa direktor Marko Boštjančić (u daljem tekstu: Dobavljač)

zaključili su:

UGOVOR O NABAVCI I UGRADNJI OPREME (KUĆIŠTA) ZA PROŠIRENJE STACIONARNOG RADARSKOG SISTEMA

Član 1.

Predmet ovog Ugovora je nabavka i ugradnja opreme (kućišta) za proširenje stacionarnog radarskog sistema, i to:

- standardno kućište za sistem JENOPTIK – TRAFFIPAX SR520 standard housine (standardno kućište) – 6 komada
- Komunikacijska bežična oprema za kućišta Cambium networks Force 180 – 6 komada
- Montaža i prva verifikacija kućišta za stacionarni radar SR520 – 6 komada

za potrebe Uprave policije MUP-a Kantona Sarajevo.

Nabavka je izvršena putem otvorenog postupka, na osnovu Odluke broj 02-14-4-4904 od 17.09.2019. godine.

Član 2.

Ugovorne strane su se sporazumjele da kupoprodaja iz člana 1. Ugovora obuhvata sve elemente navedene u ponudi Dobavljača broj: Pon br.-1642/19 od 04.10.2019. godine i na osnovu koje je, zajedno sa elementima iz tenderske dokumentacije i sačinjen ovaj Ugovor. Ponuda Dobavljača broj Pon br.-1642/19 od 04.10.2019. godine je sastavni dio ovog Ugovora.

Član 3.

Ukupna vrijednost predmetne nabavke sa uključenim PDV-om iznosi:

157.669,20 (stotinupedesetsedamhiljadašeststotinašezdesetdevet i 20/100) KM

Cijena i ostali elementi ovog Ugovora se ne mogu mijenjati.

Član 4.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 5.

Dobavljač se obavezuje da će robu iz člana 1. ovog Ugovora isporučiti/ugraditi najkasnije u roku od 90 (devedeset) dana od dana stupanja na snagu ovog Ugovora, na lokacije navedene u predmetnoj tenderskoj dokumentaciji.

Sve troškove isporuke/ugradnje do primopredaje, kao i troškove reklamacije snosi Dobavljač. Dobavljač se obavezuje da će odmah postupiti po eventualnim primjedbama Ugovornog organa u pogledu nedostatka na ime izvršene nabavke iz člana 1. i 2. ovog Ugovora.

Kašnjenje u realizaciji Ugovora povlači obračun ugovorne kazne u visini od 1% od vrijednosti ovog Ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog Ugovora.

Član 6.

Plaćanje izabranom ponuđaču će se vršiti u roku od 30 (trideset) dana od dana isporuke/ugradnje robe i dostavljanja fakture, na tekući račun Dobavljača broj: 1401020011330457 otvoren kod SBERBANK BH d.d.

Član 7.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 2. ovog Ugovora, Ugovorni organ može jednostrano, bez saglasnosti Dobavljača, raskinuti ovaj Ugovor.

Član 8.

Garancija Dobavljača na isporučenu robu iznosi 12 (dvanaest) mjeseci i počinje da vrijedi od datuma puštanja sistema u rad.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja ili više sile.

Član 9.

Dobavljač nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 10.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 11.

Eventualno nastale sporove pri realizaciji ovog Ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 12.

Svaka od Ugovornih strana može otkazati ovaj Ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.

Član 13.

Ovaj Ugovor je zaključen, kada isti potpišu obje ugovorne strane i traje do realizacije ugovorene isporuke/ugradnje.

Član 14.

Ovaj Ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ
MIBO Komunikacije d.o.o Sarajevo




direktor Marko Boštjančić

Broj : 296/19

Datum: 01.11.2019.

UGOVORNI ORGAN
MUP KANTONA SARAJEVO
UPRAVA POLICIJE



POLICIJSKI KOMESAR
Generalni inspektor policije
Nusret Selimović

Broj: 02-14-4-4904-5

Datum: 24.10.2019. godine

